

Zastupnik u Skupštini Kantona Sarajevo

Elvis Vreto

Broj: ____/19

22.Radna sjednica

Sarajevo, 11.03.2020. godine

Dostaviti:

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo
n/r predsjedavajući Skupštine Kantona Sarajevo

Uputiti: Vlada Kantona Sarajevo
Ministarstvo saobraćaja KS
KJKP „GRAS“

PREDMET: INICIJATIVA

Poštovani,

Na osnovu člana 106. Poslovnika Skupštine Kantona Sarajevo ("Službene novine Kantona Sarajevo", broj 25/10, 14/11, 19/11, 7/12, 26/12), Vladi Kantona Sarajevo, tačnije resornom ministarstvu. upućujem inicijativu **za nabavku kvalitetnije opreme kojom će se regulisati rad semafora u Ilidžanskom kružnom toku kako bi se smanjili česti zastoji i gužve u saobraćaju motornih vozila.**

O B R A Z L O Ž E N J E:

Ilidžanski kružni tok na ulazu u centralni dio Ilidže je poseban jer se uz saobraćaj motornih vozila odvija i tramvajski, ondosno šinski. Više godina unazad, kao vijećnik u Općinskom vijeću Ilidža, pokretao sam inicijative da se ovaj problem riješi pravilnom regulacijom rada semafora koji zbog navedene specifičnosti i postoje unutar kružnog toka. Općinsko vijeće Ilidža je isto tako u više navrata usvajalo zaključke po ovom pitanju pozivajući nadležno ministarstvo i KJKP Gras da adekvatno pristupi rješavanju navedenog problema. Naime, oprema koja reguliše rad semafora, u trenutku kada kroz kružni tok ne prolazi šinsko vozilo, nije adekvatna i potrebno ju je obnoviti shodno uslovima koje treba da ispunjava a sve zbog pravilnog regulisanja saobraćaja.

Ključni problem je što oprema-senzori koji treba da omoguće duži otvoreni zeleni val za motorna vozila, nisu uvijek u funkciji a sve za vremenski interval kada nema kretanja šinskog vozila i tada bez ikakve potrebe motorna vozila su prisiljena zaustaviti kretanje jer je upaljeno crveno svijetlo na semaforu. Zbog navedenog zastoji i gužve u saobraćaju su česte što treba regulisati nabavkom i ugradnjom kvalitetnije opreme.

Inicijativom tražim od Ministarstva saobraćaja i KJKP Gras da što prije pristupi rješavanju navedenog problema kako bi se smanjile nepotrebne gužve u saobraćaju.

S poštovanjem

Elvis Vreto

Zastupnik u Skupštini Kantona Sarajevo

